

mir lob und ere dē tod der also recht rīchitet gotes re-  
cht ist kaum als wol gericht.

Des todes wider red Das. xviii. capitel.

**W**er von sachen nicht enweiß; der kan vō sachen  
nicht gesagē. Also ist uns auch gesche en. wir wētē  
nicht das du als ein rīchtiger man werck. wir habē  
dich vor länger zeit erkāt wir hettē dein aber vergessē  
wir warē do bei do frau sibilla dir die weißheit mit  
reilet. Do her salomō an dē tod pett dir sey weißheit  
auff reiche. Do got allē den gewalt den er her moyses  
in egyptē lant verlihē her dir verliche. Do du einē le-  
wen bei dē peine nomest vñ in an die wādē schlugst.  
wir sahē dich die stern zelen des meresz greiß und sein  
wisch rechē die regē tropfē reitten. wir sahē genu den  
wercklauff dē du thest mit dē halsen zu babilonia vor  
kunig soldan sahe wir dich kost vñ tranck in gros-  
sen eren und würdē kredenzē. Do du das panir vor  
dē kunig allegāder furest damit er alle werlt bestreit  
do lugt wir dir zu und gūden dir der eren. Do du zu  
achademia und zu athenis mit hohē kūstreichē mei-  
stern die in die gotheit gar meisterlichē sprechē kun-  
den mit abenteuerlichē disputirē in so gar kūstlich-  
en ob lagst do sahe wir uns zu mal lieb. Do du den  
keiser nero unter weißest das er gütig und gedultrig  
wesen solt do horcht wir guelich zu. Uns wundert  
das du keiser iuliū in einē rorē schiff ober das wild  
mere furest an dāck aller sturm wint. In deiner werck-  
stat sahe wir dich ein edell gewant vō regenpogen